

AD QVODLIBETARIAM
QVAESTIO MEDICA
MATVTINIS EXAGITANDA DISPVTATIONI-
BVS IN SCHOLIS MEDICORVM DIE IOVIS XVII. DECEMBRIS

ERVEDITISSIMO VIRO M. RICHARDO MARCES DOCTORE MEDICO,
MODERATORE PRUDENTISSIMO.

An à solâ diætâ valetudo?

CORPVS humanum, duobus conflatum principiis, quatuor constat elementis æqualiter concurrentibus, & ex concordia discordiâ concentum efficientibus: Variis proinde mutationibus obnoxium, ac totum ab ytero morbosum. Cuius triplex substantia ab insito calore dissipatur, alimento congenere reparanda. Nullum tamen est tam benignum, vniuersum coctione possit mutari. Vnde prouentus excrementorum necessarius. Hinc morborum lîas: hinc senectus, neque canitie, neque annorum numero æstimanda: Hinc denique mortalitas omnibus æqua & innata. Illi declinari, hæ quamquam arte nullâ deuitari, retardari tamen possunt, aut anteuerti.

CORPORIS affectus naturalis actionem perficiens sanitas est, summum & vnicum eius bonum. Consistit in partium similiarum probâ temperie, organicarum legitimâ structurâ, & omnium vnione. Eius causa interna est humorum & spirituum bona constitutio: Externæ, sunt aut fortuitæ, aut necessariae. Præsentis signa sunt omnium actionum integritas, excretorum retentorumque symmetria, & qualitarum naturalium constans sinceritas. Ad eam conseruandam vnica & perpetua indicatio est similitudinis, vt ad morbum curandum contrarietatis. Vtrumque præstat medicus Chirurgiâ, Pharmaciâ, Diætâ. Hæc in omnibus morbis magnum habet momentum, plerisque etiâ sola medetur: illæ vt agris plerumque salutaris, ita sanis semper laboriosæ.

DIÆTÆ scopus duplex, exhaustum instaurare, & excrementa expellere. Vtérque adipiscendus rerum non naturalium vsu opportuno, maxime verò laboris & cibi. Hic pro ratâ illius portione assumendus. Ambo contrariis facultatibus præditi, mixti conferunt ad sanitatem: Quam iuuant plurimum boni mores, neque desidia, neque luxuriâ corrupti. Inertes facilius grauiusque agrotant, & tristius curantur, quàm exercitati. Ignauia corpus hebetat, labor firmat: Illa maturam senectutem, hic longam adolescentiam reddit. Labor quidem crudis & famelicis molestus, sed prauorum ciborum offensiones auertit. In omnibus qualitas, quantitas, & modus seruari debet, & definiti indicationibus petitis à sani cuiusque corporis naturâ. Hac arte plerique, præsertim humidiores, commodâ fruuntur valetudine, & tardè, citràque molestiam ita conualescunt, vt sola illis superfit ex senio prudentia.

INDICATIONIS societatem cœunt ætas, sexus, annitempus, regio, corporis habitus, consuetudo, aliæque eiusmodi. Vinum vt pueris alienissimum, ita senibus aptissimum. Vtrisque victus humidus conuenit. Mulieribus siccior. Hyems copiosissimum cibum, potum parcissimum postulat. Lutetiæ plus esse licet, quàm Romæ. Carnosis, mollibus, & rubris siccior victus ex vsu est. Duris, gracilibus, fuluis, & nigris humidior. Consuetudo longo tempore, etiam si deteriora, insuetis minùs solent esse molesta. Vna tamen certa & statuta consuetudo, licet bona, valdè periculosa.

DIÆTETICÆ ab auis frugalioribus minùs excultæ necessitatem inuexit nepotum intemperantia. Quæ morborum mater, medicorum alumna, canititem, senectutem, & mortem fato celerius accersit, nouaque, & Hippocratis seculo non audita, morborum portenta profert, & fouet. Hinc lues Venerea, fædorum symptomatum parens, & educatrix, solo Hydragrgo expugnanda. Hinc mulieribus ante legitimam mensium suppressionem, pueris Venereum non expertis, & Eunuchis, podagra diætâ præcauenda. Hinc abortus frequentiores, victu parciore, vel venæ sectione declinandi.

Ergo à solâ diætâ valetudo.

PONEBAT FRANCISCVS ELLAIN PARISINVS ANNO DOMINI 1598.

Domini Doctores Disputaturi.

M. Ioannes Groust.

M. Symon Pierre Professor Regius

M. Ioannes Duret Medicus & Professor Regius.

M. Georgius Cornuy.

M. Ioannes le Moyné.

M. Stephanus Dufour Medicus Regius.

M. Nicolaus Marchant.

M. Franciscus Dupont.

M. Guilielmus Luffon Medicus Regius.